

Challenge2Change i internacionalizacija

1. POZIV ZA DOSTAVU PROJEKTNIH IDEJA

PITANJA I ODGOVORI

(odgovori na pitanja dostavljena do 22.08.2026. godine)

1	P	Molimo potvrdu da li se odnos maksimalno 40% grant / minimalno 60% vlastito učešće primjenjuje na ukupne prihvatljive troškove projekta ili je isti odnos potrebno primijeniti na svaku pojedinačnu budžetsku stavku.
	O	<i>Omjer sufinansiranja 40% grant / najmanje 60% vlastito učešće primjenjuje se na svaki pojedinačni prihvatljivi trošak, a ne samo na ukupnu vrijednost projekta. Vodič izričito propisuje da se omjer sufinansiranja definisan ugovorom primjenjuje na svaki prihvatljivi trošak u svim budžetskim kategorijama.</i>
2	P	Da li se na SPRING C2C javni poziv za izvozna mala/srednja preduzeća, mogu prijaviti samo preduzeća koja trenutno izvoze. Konkretno ako može pojašnjenje Izvozno orijentisani privredni subjekti su oni privredni subjekti koji posjeduju izvozni potencijal (poslovni planovi za izvoz) u kom obliku, da li to može biti interni poslovni plan o sirenju firme.
	O	<i>Na Javni poziv mogu se prijaviti ne samo privredni subjekti koji već ostvaruju izvoz, već i privredni subjekti koji posjeduju izvozni potencijal.</i> <i>Vodič za aplikante definiše da se izvozno orijentisanim privrednim subjektima smatraju oni koji već izvoze, kao i oni koji posjeduju izvozni potencijal, što može biti potvrđeno, između ostalog, predugovorima o prodaji sa stranim kupcima, pismima namjere, poslovnim planovima za izvoz, certifikatima potrebnim za izvoz, aktivnostima internacionalizacije i sličnim dokazima.</i> <i>Naravno, što je dokumentacija kojom se dokazuje izvozni potencijal kvalitetnija i uvjerljivija (npr. ostvareni kontakti sa stranim kupcima, pisma namjere, plan nastupa na inostranim tržištima, potrebni certifikati i sl.), to će aplikacija pružiti jasniju osnovu za ocjenu ispunjenosti ovog kriterija.</i>

3	P	U okviru tražene dokumentacije za preduzeća, molim da razjasnite: Da li je potrebno dostaviti rješenje suda o registraciji iz 1999. godine kada je registrovano preduzeće; ili naredno rješenje suda o registraciji kada je preduzeće promijenilo oblik u doo; ili posljednje rješenje iz suda (posljednja sudska promjena), eventualno aktuelni izvod iz sudskog registra? Da li je, kao dio dokumentacije, potrebno dostavljati i prateće predračune dobavljača, za budžetom planiranu nabavku opreme?
	O	<i>Nije potrebno dostavljati sva prethodna rješenja o registraciji i sudskim promjenama od osnivanja preduzeća. Potrebno je dostaviti važeći/aktuelni izvod iz sudskog registra, odnosno dokument kojim se potvrđuje aktuelni pravni status i registracija aplikanta. Ukoliko se kao dokaz dostavlja posljednje rješenje nadležnog suda, ono treba sadržavati relevantne aktuelne podatke o aplikantu.</i> <i>Predračune/ponude dobavljača za planiranu nabavku opreme nije potrebno dostavljati uz prijavu. Troškove u budžetu potrebno je planirati na osnovu realnih i opravdanih procjena tržišnih cijena, u skladu s pravilima Poziva.</i>
4	P	Molim Vas za pojašnjenje revizije projekta.
	O	<i>Eksternu nezavisnu reviziju projekta potrebno je provesti radi provjere finansijskog izvještavanja projekta i potvrde da su iskazani projektni troškovi u skladu sa evidencijama korisnika granta i zahtjevima donatora.</i> <i>U skladu sa Vodičem za aplikante, korisnici grant sredstava dužni su u budžetu projekta planirati trošak eksterne nezavisne revizije ukoliko je iznos granta jednak ili veći od 10.000 EUR (19.558,30 KM). Reviziju mora provesti eksterni, nezavisni i licencirani revizor, u skladu sa Međunarodnim standardima revizije (ISA), uz primjenu standarda ISA 800/ISA 805.</i> <i>Cilj revizije je potvrda da je finansijski izvještaj projekta usklađen sa evidencijama korisnika granta i zahtjevima donatora (Sida) za finansijsko izvještavanje.</i> <i>Detaljniji zahtjevi i način provođenja revizije bit će definisani u fazi implementacije projekta i ugovornom dokumentacijom.</i> <i>Eksterna revizija ne podrazumijeva reviziju svih troškova preduzeća, već samo noih troškova koji su direktno vezani za podržani projekat.</i>
5	P	Poslao sam aplikaciju za grant povodom ovog poziva. Prilikom dodatnog pregleda nakon podnošenja aplikacije sam uočio da se potkrala greška u cifri vlastitog sufinansiranja te Vas molim da, ako je moguće korigujete, ili da obrišete aplikaciju iz sistema pa da podnesemo novu.
	O	<i>Obavještavamo Vas da, u skladu s procedurama Javnog poziva, nakon podnošenja aplikacije nisu moguće nikakve izmjene ili dopune prijave, niti je moguće brisanje već podnesene aplikacije radi ponovnog podnošenja. Vaša aplikacija će biti razmatrana u obliku u kojem je dostavljena putem sistema.</i>

6	P	Zanima me mogu li se javiti preduzeća koja su u stanju mirovanja za vrijeme prethodnih godina, te su prihodi 0 KM i rashodi su minimalni. Pod pojmom iznos granta koji se dodjeljuje preduzeću u 1. javni poziv za dostavljanje projektnih prijedloga – Challenge 2 Change i internacionalizacija, je li se podrazumijeva ukupan iznos aplikanta 60 % sredstava, plus podrška 40 % Challenge 2 Change ili samo iznos koji planira aplikant uložiti u okviru projektnog prijedloga.
	O	<i>Jedan od osnovnih uslova za prihvatljivost aplikanta je da je registrovanu djelatnost obavljao najmanje 24 mjeseca do dana isteka roka za podnošenje prijave.</i> <i>Sam podatak da je preduzeće prethodnih godina imalo minimalne prihode ili rashode ne znači automatski da nije prihvatljivo. Međutim, aplikant mora ispuniti sve kriterije prihvatljivosti definisane Vodičem, uključujući navedeni uslov o najmanje 24 mjeseca obavljanja registrovane djelatnosti. Također, aplikant mora biti direktno odgovoran za pripremu, upravljanje i realizaciju projektnih aktivnosti i imati kapacitet za realizaciju predloženog projekta.</i> <i>Pod pojmom iznos granta podrazumijeva se iznos sredstava koji se dodjeljuje iz Challenge fonda, odnosno sredstva koja predstavljaju grant podršku, a ne ukupna vrijednost projekta.</i> <i>Ukupna vrijednost projekta obuhvata grant sredstva i vlastito učešće aplikanta, u skladu sa propisanim omjerom sufinansiranja. Omjer sufinansiranja definisan ugovorom primjenjuje se na svaki prihvatljivi trošak projekta.</i>
7	P	Da li se kao prihvatljiv trošak mogu budžetirati bruto plate novih radnika koji bi se zaposlili na planiranim projektnim aktivnostima? Dalje, da li su prihvatljiv trošak i dijelovi bruto plata postojećih zaposlenika koji bi bili angažovani puno radno vrijeme ili dio svog radnog vremena na planiranim projektnim aktivnostima (razvoj novog softvera za novi proizvod firme) ako bi se takav troška definisao aneksom postojećeg ugovora o radu sa zaposnicima?
	O	<i>Da, bruto plate novih radnika angažovanih na realizaciji projektnih aktivnosti mogu se planirati kao prihvatljiv trošak projektnog osoblja, pod uslovom da su direktno povezane sa realizacijom projekta i da ispunjavaju opće kriterije prihvatljivosti troškova.</i> <i>Također, dio bruto plate postojećih zaposlenika koji će biti angažovani na projektnim aktivnostima može se planirati kao prihvatljiv trošak, proporcionalno njihovom angažmanu na projektu. U slučaju da je zaposlenik angažovan puno radno vrijeme na projektu, može se planirati odgovarajući puni trošak plate za period angažmana na projektu.</i> <i>Angažman zaposlenika na projektnim aktivnostima treba biti jasno definisan i dokumentovan, te će se tokom implementacije projekta odgovarajućom dokumentacijom dokazivati stvarni angažman i nastali troškovi.</i> <i>Napominjemo da troškovi angažovanja projektnog osoblja, prema Vodiču, ne mogu prelaziti 30% ukupnih prihvatljivih troškova projekta, osim u slučajevima kada je projekat isključivo usmjeren na angažman radne snage, kao što je, između ostalog, razvoj softvera.</i>

8	P	Interesuje me informaciju o budžetu „Ostali troškovi“. Za ovu budžetsku grupu potrebno što detaljnije navesti sve ostale troškove koji su neophodni za implementaciju projekta kao što su: pružanje usluga, manji infrastrukturni radovi (do 10% ukupnog budžeta), marketing, edukacije, nabavka sirovine i/ili repromaterijala za provođenje testiranja i podešavanja mašina (do 15% ukupnog budžeta) i slično. Da li ovo znači da stavka ukupno Ostali troškovi može biti 25% budžeta projekta, ili 15% budžeta projekta?
	O	<i>Limit od 10% odnosi se na manje infrastrukturne radove, dok se limit od 15% odnosi na nabavku sirovina i materijala za potrebe testiranja inovativnog proizvoda, procesa ili mašine.</i> <i>Navedeni limiti se ne sabiraju kao ograničenje za ukupnu budžetsku grupu „Ostali troškovi“. Dakle, budžetska grupa „Ostali troškovi“ može sadržavati i druge prihvatljive troškove, kao što su pružanje usluga, marketing, edukacije i sl., koji nemaju posebno propisan zbirni limit, pod uslovom da ispunjavaju opće kriterije prihvatljivosti i da su direktno povezani sa realizacijom projekta.</i>
9	P	Ukoliko projekt uključuje internacionalizaciju i razvoj novih izvoznih tržišta, da li su prihvatljivi troškovi učešća na međunarodnom B2B sajmu ili poslovnom događaju izvan BiH, uključujući kotizaciju/ulaznicu ili izlagačku naknadu, putne troškove i smještaj projektnog osoblja?
	O	<i>Aktivnosti usmjerene na internacionalizaciju i razvoj stranih tržišta mogu se realizovati i izvan Bosne i Hercegovine. Vodič posebno navodi mogućnost realizacije aktivnosti koje se odnose na internacionalizaciju poslovanja, izvoz, nastup na međunarodnim sajmovima, studijske posjete, obuke i druge aktivnosti usmjerene na razvoj stranih tržišta.</i> <i>U skladu s tim, troškovi direktno povezani s takvim projektnim aktivnostima mogu se planirati u budžetu, pod uslovom da su neophodni za realizaciju projektne ideje, opravdani i direktno povezani sa projektnim aktivnostima.</i>
10	P	Da li su prihvatljivi troškovi angažovanja eksternog konsultanta ili specijalizovane organizacije na ciljnom stranom tržištu za istraživanje tržišta, identifikaciju potencijalnih distributera/retail partnera, organizovanje B2B sastanaka i podršku pri ulasku na novo tržište, ukoliko su direktno vezani za internacionalizaciju projektnog proizvoda?
	O	<i>Angažovanje eksternih pružaoca usluga može biti prihvatljivo ukoliko je riječ o usluzi koja je direktno povezana sa realizacijom projektnih aktivnosti i razvojem stranog tržišta, odnosno internacionalizacijom projektnog proizvoda. U budžetu je potrebno jasno opisati vrstu usluge i njenu povezanost sa projektnim ciljevima i očekivanim rezultatima.</i>
11	P	Da li se kao prihvatljivi troškovi mogu tretirati eksterne usluge izrade produkt fotografije, videa, digitalne prezentacije proizvoda, tehničkih/prodajnih B2B materijala i web prezentacije novog ili značajno unaprijeđenog proizvoda, kada su navedeni materijali direktno potrebni za njegovo tržišno lansiranje i internacionalizaciju?

	O	<i>Troškovi eksternih usluga poput izrade produkt fotografija, promotivnog videa, digitalne prezentacije, tehničkih/prodajnih B2B materijala i web prezentacije mogu se planirati ukoliko su direktno povezani sa razvojem, tržišnim uvođenjem i internacionalizacijom novog ili značajno unaprijeđenog proizvoda.</i> <i>Kao i kod ostalih troškova, potrebno je obrazložiti njihovu neophodnost za realizaciju projektne ideje.</i>
12	P	Ukoliko se nova osoba zaposli tokom implementacije projekta, a ne od prvog mjeseca, da li je njen bruto trošak prihvatljiv za period od dana zaposlenja do završetka projekta, pod uslovom da radi na projektnim aktivnostima i da ukupni troškovi projektnog osoblja ostaju unutar propisanog limita?
	O	<i>Da. Ukoliko se osoba zaposli tokom implementacije projekta i njen angažman je direktno povezan sa realizacijom projektnih aktivnosti, trošak njenog angažmana može se planirati za period od zaposlenja do završetka projekta, uz odgovarajuće dokazivanje nastalog troška i angažmana.</i> <i>Pri tome se primjenjuje ograničenje za troškove projektnog osoblja od 30% ukupnih prihvatljivih troškova projekta, osim kada je projekat isključivo usmjeren na angažman radne snage, kao što je na primjer razvoj softvera.</i>
13	P	Da li se kao prihvatljiv trošak mogu budžetirati bruto plate novih radnika koji bi se zaposlili na planiranim projektnim aktivnostima? Dalje, da li su prihvatljiv trošak i dijelovi bruto plata postojećih zaposlenika koji bi bili angažovani puno radno vrijeme ili dio svog radnog vremena na planiranim projektnim aktivnostima (razvoj novog softvera za novi proizvod firme) ako bi se takav troška definisao aneksom postojećeg ugovora o radu sa zaposlenicima?
	O	<i>Da, bruto plate novih radnika angažovanih na realizaciji projektnih aktivnosti mogu se planirati kao prihvatljiv trošak projektnog osoblja, pod uslovom da su direktno povezane sa realizacijom projekta i da ispunjavaju opće kriterije prihvatljivosti troškova.</i> <i>Također, dio bruto plate postojećih zaposlenika koji će biti angažovani na projektnim aktivnostima može se planirati kao prihvatljiv trošak, proporcionalno njihovom angažmanu na projektu. U slučaju da je zaposlenik angažovan puno radno vrijeme na projektu, može se planirati odgovarajući puni trošak plate za period angažmana na projektu.</i> <i>Angažman zaposlenika na projektnim aktivnostima treba biti jasno definisan i dokumentovan, te će se tokom implementacije projekta odgovarajućom dokumentacijom dokazivati stvarni angažman i nastali troškovi.</i>
14	P	Molimo vas za zvanično pojašnjenje uslova i kriterija za učešće na ovom javnom pozivu, u situaciji kada je podnosilac prijave privredno društvo d.o.o. koje ispunjava sve propisane opće i posebne uslove za prijavu, ali planiranu nabavku opreme, proširenje kapaciteta i/ili proširenje djelatnosti namjerava realizovati za potrebe svoje podružnice/poslovne jedinice koja je otvorena prije približno šest mjeseci. Ukoliko se putem projekta planira nabavka nove opreme, proširenje postojećih kapaciteta ili uvođenje/proširenje djelatnosti, da li je prihvatljivo da se predmetna investicija koristi u

		novooosnovanoj podružnici, pod uslovom da je podružnica uredno registrovana i da posluje u okviru istog pravnog lica – d.o.o.? Molimo da se posebno pojasni koji se subjekt smatra podnosiocem prijave i korisnikom sredstava – matično privredno društvo ili njegova podružnica/poslovna jedinica, te da li se uslovi javnog poziva u pogledu registracije, perioda poslovanja, prethodnog iskustva i obavljanja djelatnosti posmatraju na nivou pravnog lica ili na nivou podružnice. Ovo pojašnjenje nam je od značaja kako bismo aplikacionu dokumentaciju pripremili u skladu sa svim uslovima javnog poziva i izbjegli eventualno pogrešno tumačenje kriterija prihvatljivosti.
	O	<i>Prijavu na javni poziv može podnijeti samo matično privredno društvo jer podružnica nije zaseban pravni subjekt, ona posluje u ime i za račun matičnog društva. Kategorije registracije, perioda poslovanja, prethodno iskustvo i obavljanje djelatnosti procjenjuju se na nivou matičnog pravnog društva.</i> <i>Podružnica ili organizaciona jedinica ili više njih može biti navedena u okviru projekta sa kojim se aplicira, kao mjesto ili mjesta realizacije dijela i/ili cjelokupnog projekta.</i>
15	P	Ljubazno Vas molimo za pojašnjenje da li se i u okviru ovogodišnjeg poziva vinarije, odnosno proizvođači vina, smatraju neprihvatljivim aplikantima zbog pripadnosti sektoru alkoholnih pića.
	O	<i>Vodičem za aplikante propisano je da privredni subjekti koji posluju u sektoru proizvodnje, prometa ili distribucije alkoholnih pića nisu prihvatljivi za učešće u ovom Javnom pozivu.</i> <i>S obzirom da se Vaš poslovni subjekt bavi proizvodnjom vina, na osnovu informacija koje ste naveli i odredbi Vodiča za aplikante, Vaš poslovni subjekt se smatra privrednim subjektom koji posluje u sektoru proizvodnje alkoholnih pića, te nije prihvatljiv za učešće u ovom Javnom pozivu.</i>